



喜因 110 28.0.8

Red seal impression

Faint vertical text columns, likely bleed-through from the reverse side of the page.

Red seal impression

物研圖書
29
No. 118
29.9.9
教授

八16
4035
13



唐韓昌黎集卷第二十六

明樵李蔣之翹輯注



碑誌

唐朝散大夫贈司勳員外郎孔君墓誌

銘或無郎字。○孔君名戡按闕里志為孔子三十八代孫舊注云三十一代非也會太父務本穎達族孫滄州東光令太父如珪海州司戶贈工部郎中父岑父著作佐郎贈尚書左僕射墓在河南陰子區人載戡戡戡戡也戡元和中與公偕分司東都卒公為作此銘。○一篇只述佐盧從史一專此是戡生平大關係所在故特為表之其序次亦極婉暢王世貞曰

韓昌黎集卷第二十六

一

退之誌孔戡不言其為宣尼苗裔亦文章陳畧處

昭義節度盧從史有賢佐曰孔君諱戡字君

勝昭義軍潞州也在河東貞元二十一年八月

以盧從史為昭義節度使表戡為書記

一超先把賢佐二字立案從史為不法君陰爭不從則於

會肆言以折之從史羞面頸發赤抑首伏氣

不敢出一語以對頸一作頰伏一作吐

孫通傳伏抑首蓋言伏立為君更令改章辭

者前後累數十坐則與從史記古今君臣父子

道順則受成福逆輒危辱誅歿曰公當為

彼不得為此從史常聳聽喘汗日上或有三且

非居五六歲益驕有悖語君爭無改悔色則

悉引從事空一府往爭之色或作意亦通從

史雖羞退益甚君泣諝其徒曰吾所為止於

是不能以有加矣以有或以遂以疾辭去臥東

都之城東酒食伎樂之燕不與當是時天下

以為賢論士之室在天子左右者皆曰孔君

孔君云皆上或無者字曰下或有唯字會宰

相李公鎮揚州元和三年九月以宰相晉奏

李吉甫為淮南節度使

起君君猶臥不應猶或作獨從史讀詔曰是故舍我而從人邪即誣奏君前在軍有某事上曰吾知之矣奏三上乃除君衛尉丞分司東都詔始下門下給事中呂元膺封還詔書上使謂呂君曰吾豈不知哉也行用之矣明年元和五年正月將浴臨汝之湯泉壬子至其縣食遂卒年五十七公卿大夫士相弔於朝處士相弔於家君卒之九十六日詔縛從史送闕下數以違命流于日南元和五年四月鎮州行營招討使吐

突承釋縛從史送京師貶驩州司馬按歐陽修書從史禱聰明山記曰闕從史官屬題名見孔戡與身重喬俱列于後而退之記戡事云戡屢諫不聽卒為重喬所縛嗚呼禍福成敗之理甚明先事而言則罕見從事至而而言則不及自古敗亂未始不由此遂詔贈君尚書司勳員外郎蓋用嘗欲以命君者信其志其年八月甲申從葬河南河陰之廣武原南下或有府字陰下或有縣字廣武原或作某地云唐河南府無河陰縣非是今按元和郡國志河南府有之君於為義若嗜欲勇不顧前後於利與祿則畏避退處如怯夫然始舉進士弟自金吾衛錄事為大理評事佐昭義軍

軍帥或或有及字軍帥或或有帥字從史自其軍諸將代

為帥或無自其字○貞元二十年六月昭義節度使李長榮請君曰從

史起此軍行伍中凡在幕府唯公無分寸私

力或作非是公苟留唯公之所欲為君不得已留

一歲再奏自監察御史至殿中侍御史君或作君

從史初聽用其言得不敗後不聽信惡益聞

君奔去遂敗祖某某官贈某某官父某某官贈

某某官諸本本作祖如圭皇海州司戶贈工部員外郎

外郎著作即駕部員外郎亦皆誤此後人續

增者故不可信乃爾詳見題注君始娶弘農楊氏女卒又娶

其舅宋州刺史京兆韋岷女皆有婦遺凡生

一男四女皆幼前夫人從葬舅姑兆次卜人

曰今茲歲未可以祔從卜人言不祔君母兄

殘尚書兵部員外郎母弟戢殿中侍御史以

文行稱朝廷將葬以韋夫人之弟前進士楚

杜之狀授愈曰請為銘銘曰

九義孔君茲惟其藏更千萬年無敢壞傷諸本

皆有傷字文理音韻已無可疑舊本偶爾脫漏好事者遂以為無傷字使此銘為中歇後語

而不肯以諸本補之甚可怪也

故中散大夫河南尹杜君墓誌銘

或無

君或作尹。杜君名兼史有傳。公與兼皆嘗佐張建封于徐州。至是兼處河南尹而公為都官員外郎為銘。

杜氏自戴侯畿始分戴侯之子恕為幽州刺

史今居京兆諸杜其後也畿字伯侯京兆杜陵人魏河東太守

豐樂戴侯有三子恕理寬恕字務伯弘農太守幽州刺史其季寬孝廉郎

中寬後三世曼為河東太守葬其父泅水之

陽泅胡端切或無之陽字。寬字務叔舉孝廉。曼為郎中曾孫曼仕石趙為從事中郎河

東太守泅水出。其後世皆從葬泅水。下或。有及郡隆慮縣。

及正倫為太宗宰相猶封襄陽公曼。玄孫君賜君賜子

景字宜明州府交辟不就。景子裕字慶延仕齊樂陵令四子正玄正藏正儀正倫高宗顯

慶元年三月以正倫同中書門下三品顯慶二年九月封襄陽郡公三年十一月罷今云

太宗始詔葬京兆襄陽公無子以兄正

誤也藏子志靜後遂嗣襄陽公或。復出。嗣生。僑。為襄陽公字。

懷州長史弃官老沁水上為富家卒葬懷州

武陟長史生損為左司郎中卒贈少大

大理大理生虞為鄭州錄事參軍歿思明亂

贈吏部郎中大理或作少卿廐音異公諱兼字某郎中

弟三子廐三子曾左金吾兵曹參軍冀太學博士少即兼也舉進士弟

兼第進士建中元年司徒北平王燧戰河北掌書記累

官至監察御史其後佐徐泗州軍貞元四年十一月張

建封為徐泗濠節度使表佐其府本傳載兼遂至濠州刺史刺濠州日

誣劾辜賞陸楚二人以罪殺之而子厚杜兼

對乃取其濠州能擯鍾離令之讒今二事

誌皆不載豈以其善不足以掩惡故略之耶

抑誌與傳異故叙其族出歷官卒之年月日

與夫生娶徐泗州軍亂以兵甲三千人防淮

道不絕諸本甲三千人四字皆在下文金魚

亦疑術或當在兵字有功加御史中丞賜紫

衣金魚入為刑部郎中以能官拜蘇州刺史

既歸行上書曰李錡且反必且奏族臣上固

愛其才書奏即除吏部郎中或無中字遂為給事

中出為商州刺史金商防禦使改河南少尹

行大尹事半歲拜大尹元和四年十一月二

十二日無疾暴薨年六十明年二月甲午從

葬懷州夫人常山郡君張氏彭州刺史贈禮

部侍郎既之女既音生子男三人柔立為天

長主簿詞立為壽州參軍諡立為順宗挽郎
 女一人順上或將葬公之母兄大學博士莫
 與公之夫人及子男女謀曰葬宜有銘凡與
 我第游而有文者誰乎遂來請銘銘曰
 杜氏大家世有顯人承繼綿綿以及公身始
 為進士乃篤朋友及作太官克施克守及作
 乃纂辭奮筆渙若不思公牒盈前笑語指麾
 祿以給求食以會同不畜不收庫廩虛空事
 在于人且遠日忘在于一何以傳之刻此銘
作不在

墓

唐銀青光祿大夫守左散騎常侍致仕

上柱國襄陽郡王平陽路公神道碑

銘 此文多从石本夫下無守字仕
此下諸本無上柱國襄陽郡王七字
平陽或作陽平非是或唐世系表當
从平陽碑銘或作碑文○按石本其
首云朝議郎守國子博士上騎都尉
韓愈撰銀青光祿大夫守吏部尚書
上柱國榮陽縣開國侯鄭餘慶書將
仕郎右拾遺內供奉賜緋魚袋陳皓
篆額其後云元和七年歲次壬辰十
月丙子朔十五日庚寅建則所撰年
月當亦
在是也

惟路氏遠有代序自隋尚書兵部侍郎諱哀

四代而至冀公代或並作世哀石本本作克或本世表作哀○按哀封閩鄉

公哀子文昇平愛秦三州刺史封宣城縣公昇子元悲掄次令元悲子太一太原令冀

公諱嗣恭以小邑蕭關令發聞開元受賜更

名書于太史令下或有聞字賜或作錫○嗣恭其初名劍客以世廢為鄴尉

席豫黜陟河朔表為蕭關令徙神烏姑臧二縣及績上上為天下最玄宗以為可嗣漢魯恭因賜今

治行靈州終功南邦享有不祉紹

開厥家官至兵部尚書封冀國公薨贈尚書

右僕射司空治或作始或無司空字○永泰元年閏十月嗣恭由戶部侍郎

為朔方節度使大曆七年正月以嗣恭為江西觀察使八年九月循州刺史哥舒晃反殺嶺南節度使呂崇貴十月以嗣恭兼嶺南節度往征之十一月克廣州斬晃轉檢校兵部尚書

公諱應字從眾冀公之嫡子嗣恭子怨應用木

臣子謹飭擢至侍御史著作郎選刺虔州或選

作遷貞元初以應為虔州刺史割餘零都作

史唐虔州今為贛州府屬江西

縣安遠以利人屬餘或作隸人或作民下同

邑鑿敗灘石以平贛梗贛古暗切又音咸○

北章貢二水所合抵萬安界有十八灘中多怪石頗險唐史云應鑿贛石梗險以通水道

陶甕而城罷人屢築詔嗣冀封又加尚書屯

田郎中進服色遂臨于溫築堤岳城橫陽界
中二邑得上田除水害上田或作上苗拜尚書兵部

郎中兼御史中丞淮南軍司馬改刺廬州又

驚其城人不歲苦人或作民苦詩廉切音擅或作苦非是○苦蓋也草

覆屋人為尚書職方郎中兼御史中丞佐鹽

鐵使使江東有功用半歲歷常州遷至宜欵

池觀察使永貞元年十一月自常州除觀察使進封襄陽郡王

王或作公非是至則出倉米下其估半以廩餼人蜀

開誅行軍千五百人於蜀蜀開或作劉關或蜀下別出劉字

李錡將反以聞置鄉兵萬二千人錡反命將

期以卒救湖常坐牢江東心錡以無助賊縛

作響山亭營軍于左右權丞相善之鑱其說

響山石響山宣州山名居宣五年以疾去位校其倉

得石者五十萬餘府得錢千者八十萬石下或無

者公之為州逢水旱喜賤出與人歲熟以其

得收常有贏利故在所人不病飢而官府畜

積人或並作民贏或作餘○此青苗法之濫觴也元和六年天子憫

公疾不可煩以職即其處拜左散騎常侍以

其祿居其歲九月望薨于東都正平里第年
 六十七歲上或無其字明年葬京兆萬年少年上或有享字
 陵原夫人榮陽鄭氏祔既其子臨漢縣男賈
 與其弟賞貞謀曰宐有刻也既下或有字告於叔
 父御史大夫郵坊丹延觀察使恕因其族第
 進士羣以來請銘遂以其事銘曰
 冀公之封維艱就功襄陽繼大啓慶自躬于
 虔洎溫厥緒既作以及職方遂都邦伯朝夕
 人事下完上實人或作民師于其鄉鄰寇逼屈營

軍響山牆屋修施修或作備褒功刻表丞相
 之辭功或嘉受代而家叙疏及適病不能延食
 祿卒齒凡代大家維艱其保凡代一既顯既
 願戒于終咎願或作願伊我襄陽克慎以有延界
 後承莫不承或承有墓于原維樹在經或在
 有以告無期博士是銘博士或作傳世非是
 也也

身氏廟碑銘

身承此重亂之父也許孟容作神道碑○茅坤曰序

元和三年天子曰盧從史始立議用師于恒
元和三年三月成德節度使王士真卒其子承宗自為留後上欲葉河北世襲之弊從史時為昭義節度使遣父喪因左軍中尉吐突承璀說上請發本軍討承宗由是復起從史委其成功十月詔削奪承宗官爵以承璀為招討宣慰使命恒州四面藩鎮各進兵其討乃陰與寇連夸謾兇驕出不遜言其執以來其四月中貴人承璀即誘而縛之其下皆甲以出操兵趨譚牙門都將烏公重胤當軍門此曰天子有命從有賞敢違者斬從下或於是士皆斂兵還營卒致從史京師壬辰詔用

烏公為銀青光祿大夫河陽軍節度使兼御
 史大夫封張掖郡開國公重胤自昭義都知兵馬使路州左司馬拜銀青光祿大夫懷州刺史河陽三城懷州節度使兼御史大夫居三年河陽稱治詔贈其父工部尚書且曰其以廟享其以或其即以其年營廟于京師崇化里軍佐作以其竊議曰先公既位常伯謂工部尚書而先夫人無加命號名差卑於配不妄詔聞詔贈先夫人劉氏沛國太夫人八年八月廟成三室同宇祀自左領府君而下作主于第乙巳升于廟

字一一作罕非是○三室同字史記滑陽廟同字韋昭曰謂上同下異也後漢以來公
 為廟制皆為烏氏著於春秋譜於世本世本
 同堂異室烏氏著於春秋譜於世本
 卷錢黃帝以來帝王諸列於姓苑姓苑十卷
 侯洎御大夫系氏名號列於姓苑何承天著
 姓苑略一卷在莒者存左傳昭二十二年莒
 崔日用著在莒者存子庚與虎而好劍烏
 存率國在齊有餘枝鳴皆為大夫一本云在
 人逐之鳴者為大夫或齊下有者字或餘下有有字
 ○左傳襄二十一年齊人城郟之歲其夏齊
 身餘以原丘奔晉昭二十一年秦有獲為太官
 年冬十月齊烏枝鳴宋秦有獲為太官
 史記秦武王時力士其後世之江南者家鄱
 任鄱烏獲皆為太官烏氏後魏烏洛侯之裔國
 陽處北者家張掖邑在漢東二千餘里貞觀

初貢獻內屬代為功臣或因官徙地今為張掖人或入夷狄為君長唐
 初察為左武衛大將軍實張掖人其子曰令
 望為左領軍衛大將軍孫曰蒙為中郎將是
 生贈尚書諱承玘字某或贈下或有工部字玘
傳字德潤重胤傳亦云承玘子也温公攷異
嘗加辨正宋樊本皆作承玘蓋許孟容嘗為
承玘碑石本猶傳於烏氏自莒齊秦大夫以
 世新傳蓋本此也
 來皆以材力顯及武德已來始以武功為名
 將家開元中尚書管平盧先鋒軍屬破奚契
 丹屬或作屢非是○屬連屬之意也北狄有
 契丹一契丹一奚一室韋四黑水一渤海

從戰捺祿忝可突于突于或作突于或作汗

葛切○可突于契丹之勇將也新傳奚契丹

入寇承玘破於捺祿山又戰白城承玘按捺

而出其右斬首萬渤海擾海上至馬都山吏

計可突于奔北

民逃徙失業或無擾海字○樊汝霖曰或謂

都山東民逃徙失業蓋因可突丁入寇而然

此是一事今按許孟容作身承洽神道碑云

渤海王武藝出海濱至馬都山屠陷城邑公

以本營士馬防遏要害則是捺祿忝可突于

而馬都山拒武藝一事不同或者之論過矣

新史據孟容神道碑及公廟碑而作司馬溫

公攷異以新史為誤恐尚書領所部兵塞其

道漣原累石作壘綿四百里深高皆三丈寇

不得進民還其居歲罷運錢三十萬餘黑水

室韋以騎五千來屬麾下黑水室韋一國邊

威益張其後與耿仁智謀說史思明降至德

安慶緒兵敗走保鄴郡史思明判官耿仁智

說思明歸唐思明然之以所部十三郡及兵

八萬來降十一月以思明思明復叛尚書與

兄承恩謀殺之事發族夷尚書獨免許承恩

承玘之從李光弼以聞詔拜冠軍將軍守右

威衛將軍檢校殿中監封昌化郡王石嶺軍

使石嶺或作積粟屬兵出入耕戰以疾去職

左領非是

貞元十一年二月丁巳薨于華陰告平里年若干諸碑年九十六即葬於其地二字大夫為長夫

重季曰重元為某官銘曰

烏氏在唐有家於初左武左領二祖絕居左領

或作中郎少早屬于尚書不償其勞乃相木

夫授我戎節制有壇墟制有或作有數備禮

登以有宗廟或無數字登下有壇字今按數

異數之數言制數既備禮亦稱崇也袁氏廟

碑所謂數以立廟亦是此意若如或本自上

句已言授節不應至此始言登壇况登壇又與立廟不相關乎作廟天都以

致其孝右祖左孫爰饗其報按廟制以西為

孫非云譌無子其有無孫其有或作左祖右

乃惟有人克或作光念管平盧為艱為瘁大夫承

之危不棄義四方其平土有迨息來觀來齋

以饋黍稷

唐故河東節度觀察使榮陽鄭公神道

碑文或無唐故河東節度觀察使九

字○序次最有機致有懸綴忽

河東節度使贈尚書右僕射鄭公葬在榮陽

索上

河南志開封府滎陽有索水即漢高帝與項羽戰於京索者也今有索亭驛

元和八年六月庚子太史尚書比部郎中護

軍韓愈刻其墓碑曰司馬氏遷江南有鄭

者仕慕容垂國為其太子少保

世孫仕垂為太子少保其孫簡當拓拔魏為滎陽太守

號北祖愜號中祖簡號南祖後簡者號其

族為南祖南祖之鄭入唐有為利之景谷令

者曰嘉範

生撫俗為泗之徐城令徐城生公之父曰洪

卒官涼之戶曹參軍

家隴西李氏舉止異凡兒其舅東部侍郎季

卿謂其必能再立鄭氏

稍長能自課學明左氏春

秋

選為太原參軍事

對直言策拜京兆

高陵尉被府之進士能弟上下以實不效樊

僕射澤以襄陽兵戰淮西公以參謀留府能

任後事

與元元年正月以樊澤為山南東道節度使澤奏僞為參軍

續于涼涼地入西戎自景谷徐城三世皆未
 還榮陽葬公解官舉卒喪為三墓墓索東徐
 城墓無表公能幼長哀感心求不置以得舊
 人指告其處公能下或有使字或無哀字云
自少而長求之不置也心字屬
下句○其事絕其後為大理丞太常博士遷
類父之衢起居郎尚書司封吏部二郎中能官舉其名
 德宗晚節儲將於其軍以公為河東司馬能
 以無心處嫌間卒用有就間或作問非是或
無卒字有就或作
其說非是貞元十六年將說死即詔授司馬節節

度河東軍或無即詔字馬下或無復出節除

其官為工部尚書太原尹兼御史大夫北都

留守貞元十六年十月河東節度使李說卒

僭自本軍行軍司馬除檢校工部尚書

充太原尹北都督公之為司馬用寬廉平正

得吏士心及昇太師持是道不變身或作升

部將有因貴人求要職者公不用用老而有

功無勢而遠者削四鄰之交賄省媵媿之太

燕校講民事施罷不缺日媵或作諱校用能

以十月成政氓征就寬軍給以饒氓或作賦

十七年疾廢朝夕八月庚戌薨享年六十一
 天子為之不能臨朝者三日或無贈字尚書右
 僕射即以其年十月辛卯薨索上疾比薨醫
 問交道比薨賜使相及凡河東軍之
 士與太原之氓吏及旁九郡百邑之鰥寡外
 夷狄之統於府者聞公之薨皆哭曰吾其如
 何軍下或無之字或作之軍氓或作民○河東
 東管度府管汾遼沁嵐石忻代憲凡九州
 公與賓客朋遊飲酒必極醉投壺博奕窮日
 夜若樂而不厭者與或作為若或作若平居簾閣據几

終日不知有人別自號白雲翁

令狐楚嘗為太原從事唐

志有表奏十卷自號白雲孺子蓋以媚僮也

各人魁士鮮不與善

好樂後進及門接引皆有恩意

與善屬上句好樂屬下句

或本以善為其而連好樂為句非是○呂始覽疾學而不能為魁士各人者未之有也

娶范陽盧氏女生仁本仁約仁載皆有文行

二季舉進士皆早歿仁本為後子獨存不樂

舉選年三十餘始佐河陽軍後娶趙郡李氏

生三女一夫人凡三男五女長女嫁遼東李

繁繁亦名臣子有才學遺命二夫人各別為

墓不合墓系曰
士常患勢卑不能推功德及人常或作常患
貧無以奉所欲得有患下或若鄭公勤一生以
得其位而會不得須臾有焉雖然觀其所既
立其可知已嗚呼哀哉

魏博節度觀察使沂國公先廟碑銘有或

田氏字○石本云朝議郎守尚書比
部郎中史館修撰護軍韓愈奏勅撰
朝議大夫安定胡證書并篆額京兆
府解有此碑○歐陽修曰自天聖以
來學者多讀韓文而患集本舛訛惟
予家本更校時人共傳號為善本及

後集錄古文得韓文之刻石如羅池
黃陵廟碑之類以校予家集本件謬
猶多若田弘正碑尤甚蓋由諸本不
同往往矣加改易今以碑較印本初
未必誤多為校讎者矣改易之乃知
文字之傳久而轉失其真者多矣則
校讎之際決於取
金不可不謹也

元和八年十一月壬子上命丞相元衡武元

丞相吉甫李吉甫丞相絳李絳名太史尚書比部

郎中韓愈至政事堂傳詔曰田弘正始有廟

京師朕惟弘正先祖父厥心靡不嚮帝室訖

不得施乃以教付厥子維弘正銜訓事嗣朝

夕不怠以能迎天之休顯有不功維父子繼
 忠孝事嗣或作嗣事嗣下或有于字弘正
 臣幽州朱治聯兵攻擊欲兼其土宇廷珩固
 守卒能保全朝廷嘉之遷洛州岐州建中
 初田悅領魏博節度使志圖以逆名廷珩為
 副蓋悅父承嗣與廷珩為從昆弟也及悅姦
 謀敗露廷珩曰爾藉伯父遺業可守朝廷法
 度坐享富貴何苦與恒郵同為叛臣若在志
 不悛可先殺我乃謝病不出三年憤鬱而卒
 汝愈銘欽哉惟時臣愈承命倅恐明日詣東
 上閤門拜疏辭謝不報退伏念管者魯僖公
 能遵其祖伯禽之烈周天子實命其史臣克

作為駟駟泮閔之詩使聲于其廟以假魯靈

駟音似假音格。四詩皆見魯頌按詩疏成
 王以周公有大勳勞於天下故賜伯禽以天
 子之禮樂魯於是乎有頌以為廟樂其後又
 自作詩以美其君亦謂之頌舊說伯禽十九
 世孫僖公申之詩今無所攷獨今天子嘉田
 侯服父訓不違用康靖我國家服上或有能
 字靖或作靜
 蓋寵銘之所以休寧田氏之祖攷而臣適執
 筆隸太史奉明命其可以離或無隸字謹案魏博
 節度使銀青光祿大夫檢校工部尚書兼魏
 州大都督府長史御史大夫沂國公田弘正

州或作博或無兼字○元和七年十月以弘
 正為銀青光祿大夫檢校工部尚書魏州太
 督府長史兼御史大夫上柱國沂國公充
 魏博等州節度觀察處置支度營田等使北
 平盧龍人故為魏博諸將弘正始名與季安
 時為衙內兵馬使

忠孝畏慎田季安卒季安高祖環平州人官
 都水使者環二子守義
 延暉延暉安東都護府司馬守義二子承嗣
 延琳承嗣子緒緒子季安季安子懷謙延琳
 子悅延暉子延玠元
 和七年八月季安卒其子幼弱用故事代父
 人吏不附迨弘正於其家使領軍事季安卒
 懷謙自
 知軍務時年十一以弘正為都知兵馬使懷
 謙幼弱軍政皆決於家僅蔣士則數以愛慎
 移易諸將諸將憤怒咸曰兵馬使否弘正籍
 帥也即詣其家迎之弘正拒之不可弘正籍

其軍之眾與六州之人還之朝廷悉除河北
 故事比諸州故得用為帥按田弘正本傳世
 多臣順太節公特
 願美之辭特詳銘中甚得體一事而
 已而復贈其
 父故滄州刺史兵部尚書母夫人鄭氏梁國
 太夫人得立廟祭三代曾祖都水使者府君
 祭初室祖安東司馬贈襄州刺史府君祭二
 室兵部府君祭東室其銘曰
 唐繼古帝海外受制此據石本外或
 作內受或作臣狎于太
 寧燕盜以驚狎或
 作滄羣黨相維河北失平號登

元和太聖載營風揮日舒咸順指令業業魏
土嬰兒戲兵嬰兒謂吏戎愁毒莫保腰頸或

作人曰田侯其德可倚叫譟奔趨乘門請起

田侯攝事奉我天明天或作王非○左傳范氏中行氏反易天明注

言不事君也又云二三束縛弓戈校度程子順天明公語出此

提壇籓戶來復邦經提或作堤帝欽良臣曰維錫

予嗟我六州始復故初告慶于宗以降命書

千宗或作宗廟以降或作降以旌節有鞞豹尾神旗橐纛戟

纛以長魏師橐或作囊非是蓋橐謂弓服乃囊之無底者非兵仗也田

侯稽普臣愚不肖追茲有成祖考之教帝曰

俞哉維汝忠孝予思乃父追秩夏卿媿德振

賢梁國是榮媿四音切振之月切又音身○媿配也言梁國配兵部之德振

孕也左氏后緡方振田侯作廟相方視見

于著龜祖考咸喜暨暨田侯兩有文武暨音

暨暨果毅也訖其外庸可作承輔承或作吞汝

田侯勿亟勿遲觀饗式時爾祖爾思饗或作

爾思或作爾祖考之思或作爾祖之思

唐韓昌黎集卷第二十六終

碑誌

唐韓昌黎集卷第二十七

明樵李蔣之翹輯注

碑誌

劉統軍碑

此篇並從石本一作唐故龍武統軍劉公墓碑○公嘗誌

統軍劉昌裔墓矣今又銘其碑詞亦典雅

唐故陳許軍節度使金紫光祿大夫檢校尚書左僕射兼御史大夫右龍武統軍彭城郡開國公食邑二千戶贈潞州大都督劉公諱昌裔字光後諱下或無軍字薨既葬將反柩于京金

于墓次机或作極或作几或作主京下有師字○元和八年十一月昌裔卒九年

九月墓故吏文武士門人送客訖事會哭將

退咸顧戀牽連一口言曰自我公薨至墓凡

所以較德焯勤者莫不粗完隱卒崇終有都

督之詔焯之藥切一作焯一作卓非是○昌裔卒有詔贈潞州大都督焯明也

日事時功以著不可誣有以字有太史之狀

太常之狀太常上或下有字有諡昌裔諡威公有誄有誄有幽

堂之銘又如卽外碑刻文以顯詩之其於傳

無已豈不益可保於是相許諾以告其孤縱

昌裔四字縱或無哭或無捨杖拜曰縱不敢違則

相與刻銘文曰

劉處彭城本負楚元漢高帝季弟楚元王交之後陽曲之

別錄公祖遷昌裔會祖承慶為朔州刺史祖巨鼓為太原晉陽令樂其土俗

遂占籍為太原之陽曲曰自公會祖攻為朔

州守祖令太原仍世北邊樂其高寒弃楚不

還建于公身三世晉人按石本三世作再世

令大原然其篇首既言陽曲之別由公祖遷

則為晉人非再世矣况劉志在後卷所述世

次尤詳與再世之云皆不合其碑當時所立

不應差誤如此亦石本不足信之一驗也

公生而異魁顏鉅鼻幼如舒退少長好事西戎乘勢盜有河外公雖家居為國暗噫上於金切

下鳥界切來告邊帥可破之計帥或作師楊琳為橫巴

蜀靡彫及代宗紀大曆三年瀘州刺史楊子琳反及昌裔說子琳事通鑑亦可及新書作揚惠琳誤矣公由游寄單船論招爾雅士特折舟注單船折

其尾毒不得動搖其尾毒或作旗毒尾琳後來降公不

有功終琳之已還臥民里昌裔說邊將不售去入三蜀楊琳之

亂蜀人苦之昌裔單船往說琳大曆四年二月琳遣使詣闕謝罪以琳為峽州團練使以昌裔為從事後琳於客河朔間蓋古有云人職其憂無事於

職而與國謀德宗之始為曲環起奮筆為機強寇氣歎建中初曲環為邠隴兩軍都知兵馬使其收濮州也薛昌裔為判官為環檄李納劉曉大義環上其藁德宗異之決敗等成效於屈指環有許師公遂佐之貞元二年七月環自邠隴行營節度拜陳許節度使昌裔從府還蘇民軋敵多出公畫軋或作戰或作朝累拜郎中進兼中丞雖在陪貳天子所憑蔡卒幸喪圍我許鄂新師不牢助勦將連助西羊切又遽也公為陳方應變為械方或作力與之上下寇無所賴遂至道敗此篇文體整齊無奇句為韻者

遂至遁賊上疑脫下句未知果孰是也○貞元十五年八月環卒淮西吳少誠遣兵掠臨穎陳州刺史上官說知陳許留後遣本將王令忠將兵殺之皆為少誠所虜丙午以說為陳許節度使少誠遂圍許州說欲奔城走昌喬時為管田副使止之曰城中兵足以辦賊但閉城勿戰賊氣自衰吾以全制其賊不克矣昌喬募勇士千人鑿城出擊大破之城由是以功遷陳實許之半功拜陳州刺史聲駕元侯以勢自憚貞元十六年七月少誠進擊蔡州行營格討使韓全義敗于澗水與諸道兵皆走保陳州求舍昌喬登城謂曰天子命公討蔡州何為來隱且賊不敢至我城下君其舍外無恐明日從十餘騎持牛酒抵全義營勞軍全義不自意意拜復人居許為軍司馬貞元十八年以昌喬為陳許行

軍司馬 脫權下威士心益歸卒嗣環職奔惡從

德貞元十九年六月說卒以昌喬檢校工部尚書兼許州刺史充陳許節度使乃

與蔡通塗其榛棘稚耄嬉遊連手歌謳遊或

上無可怨外無與讎既長事官峻之大夫峻

峻本作浚固非是即其償未塞僕射以都償或

以或作已今按上句有未字此當作已然此

再加檢校尚及癸巳歲秋涌水出流過其部

破民廬室元和八年五月許州大水壞廬舍

公即疏言此皆臣憊防斷不補清民於泉或

作臣堊且疾宜即大罰上曰燭害大臣其來

燭或作留○按燭害滅除字本秦刻允余之思其可止哉驛隸

悉呼有中使來公迎于驛途行不迴六月降

熱上下歎施歎或作歎施許力切○楚辭大

色無草公鞭公驅去馬以輿公病且惡不能

遺闕仆臥在宅閣有加錫始憲宗惡昌裔自

吉甫曰陛下乘人愁豈可名也六月以東都

留守韓皇代之前昌裔還京師至長樂驛知

帝意因請歸私命為統軍龍武之右兼官左

相百僚長首昌裔至天子以為恭簡其家拜

軍知軍事冬十一月日將南至公遂薨年六十

二奏聞怛悼俾官臨弔悲不聽朝贈督潞州

存炭之資於數為優明年九月東葬金谷公

往有命匪後人卜

衢州徐偃王廟碑

石本云朝議郎守尚

昌黎韓愈撰福州刺史元錫書元和

十年十一月九日立○按徐偃王名

誕事見史記後漢書博物志元和姓

纂諸書然後漢書云楚文王滅之楚

離亦云荆文寤而徐公按周穆王時

無楚文王春秋時又無徐偃王辨見

楚辭補注中○退之作徐偃王碑全

是撫拾羣書為次本末筆力最高古

蒼葵剝薺致深以典茅坤日以容形
生而立論奇高造詣怪偉當是目黎
大文
字

徐與秦俱出栢翳為嬴姓嬴余輕切○史記秦本紀大業之子
日大費是為栢翳舜賜姓嬴氏栢翳二子太
廉之後為秦若木之後為徐是為俱出栢翳
也○一篇主容相國於夏殷周世咸有大功
形俱從此起議論秦本紀大廉玄孫孟戲中衍殷
帝大戊以為御而妻之自太戊以下中衍之
世遂世有功以佐殷國故嬴姓多顯遂為諸
侯若木玄孫費昌當夏桀之時去夏歸商為
殷御以戡桀於鳴條是有大功也
秦處西偏專用武勝中衍曾孫
日戎胥軒軒生仲湑湑生飛廉廉生惡來來
生女防防生旁皐皐生大几几生大駱駱生

非子周孝王以為附庸邑
之於秦是為處西偏也
遭世衰無剛天子

遂虎吞諸國為雄國或作侯諸國既皆入秦為臣

屬秦無所取利上下相賊害卒償其國而沈

其宗償方運切又甫運切○償猶區也爾雅云償償也莊子一償一起沈其宗謂滅

族徐處得地中文德為治文或作又今以上文秦用武勝者推

所以君國子民待四方一出於仁義當此之

時周天子穆王無遺意不在天下穆王名滿左昭十

年云穆王欲肆其心周行天好道士說得八

下將皆必有車轍馬跡焉

龍騎之西遊

列子周穆王駕八駿之乘西征崑崙不駿驂騶綠耳赤冀白羲

渠黃踰輪盜驪山子

同王母宴于瑤池之上歌謠忘歸

石本無宴字亦通朱子乃謂不成文以他本補之何也○穆天子傳穆王見西王母饒于瑤池之上母為天子謠曰白雲在天山陵自出道理悠遠山川間之將子無死尚能一來天子答曰予歸東土和理諸夏萬民均平吾顧見汝比及三千年將復而野遂樂而忘歸

四方諸侯之爭辯者無所質正咸實祭於徐

祭石本及諸本皆作察非贊玉帛歿生之物是○按賓祭字見左傳

于徐之庭者三十六國得朱弓赤矢之瑞

一作象犀○博物志云偃王欲舟行上國乃道溝陳蔡之間得朱弓赤矢以為得天瑞遂

因各為名自稱偃王江淮諸侯服從者三十六國 穆王聞之恐遂稱

受命命造父御長驅而歸

造七到切父音甫○史記秦本紀造

父以善御幸于周穆王得驥溫驪騊騄綠耳之駒西巡狩樂而忘歸徐偃王作亂造父為穆王御長驅歸周救亂

注造父飛廉玄孫也與楚連謀代徐

系表成之穆王所與連謀代徐者殆楚熊騰也 徐不忍鬪其民北走

彭城武原山下百姓隨而從之萬有餘家偃

王歿民號其山為徐山鑿石為室以祠偃王

偃王雖死失國民戴其嗣為君如初

其禮記邾婁公之喪徐君被容居來字駒王甲含日先君駒王西討駒王徐之先

也章禹左傳昭三十一年吳滅徐徐子章禹

祖孫相望自秦至今名公巨人繼跡史書徐

氏十望其九皆本於偃王而秦後迄茲無聞

家自秦或作自秦史天於栢駭之緒非偏有

厚薄施仁與暴之報自然異也又顧首案好

衢州故會稽太末太音闡○太末春秋時姑

丘越絕書姑未今太末後漢吳有龍丘長者隱居太末民多姓徐氏支

縣龍丘有偃王遺廟或曰偃王之逃戰不之

彭城之越城之隅弃玉几研于會稽之水與研

視同○選綠苔鬚乎或曰徐子章禹既執

於吳徐之公族子弟散之徐揚二州間即其

居立先主廟云公或作宗○特開元初徐姓

二人相屬為刺史徐堅字元固帥其部之同

姓改作廟屋載事於碑後九十年當元和九

年而徐氏故復為刺史故字達夫前碑所謂

今戶部侍郎其大父也春行視農至干龍丘

有事于廟思惟本原曰故制猶樸下容不足

以揭虔妥靈揭音羯又丘傑切而又梁楠赤

白墜剝不治墜池耳切又徒可切○圖像之

威黜味就滅藩拔級夷庭木禿缺黜許既切音餽缺或

作缺正字也缺俗體然唐人多用之姑從其

舊○黜深黑也夷平也○茅坤曰公至意平

處便造祈畔日慢祥慶弗下日石本作州之

羣支不獲蔭麻羣支或作支郡或余惟遺絕

而尸其土不即不圖以有資聚罰其可離乃

命因故為新眾工齊事惟月若日工告訖功

大祠于廟宗鄉咸序應鄉或是歲州無怪風

劇甫民不天厲穀果完實民皆曰耿耿社哉

其不可誣耿耿社哉或作社哉社哉乃相與

請辭京師歸而鏡之于石辭曰

秦傑以顛徐由遜縣遜或秦鬼久飢徐有廟

存婉婉偃王惟道之耽婉音以國易仁為笑

于頑自初擅命其實幾姓歷短詈長有不償

囚或課其利害孰與王當與或姑蔑之墟

太末之里一統志衢州有姑蔑城在龍游穀

溪之南左傳越伐吳王孫彌庸自

泓上觀之見姑蔑之旗曰吾父之旗也先彌

薦父為越所獲故姑蔑得其旗相傳即此地誰思王恩立廟以祀王之聞孫世世多有唯

臨茲邦廟土實守堅嶠之後達夫廓之王歿
 萬年如始祔時王孫多孝世秦王廟達夫之
 來先慎詔殺盡惠廟民不主於神維是達夫
 知孝之元太末之里姑蔑之城顛倒前句其法本之於詩
 廟事時修仁孝振聲宏寵其人以及後生嗟
 嗟維王雖古誰允古或作允允協韻苦郎切王歿于仁彼
 以暴密暴或作常非是○翹聞之先輩云退之諸文多有功於吾道有補於世我獨衛州偃王廟碑一篇深為害義蓋此時周穆王在上偃王在下敢受諸侯朝是賊也退之乃許之以仁豈不謬哉文追作誄刻示茫茫示石本

袁氏先廟碑

袁滋履歷並詳唐書本傳碑特其槩耳然所居世系甚詳本傳以滋為袁範之後則又誤矣○此碑中有荆棘字句若斷若續若闕若補絕似秦碑汲冢文令人往往不少能讀劉辰翁曰文古文詩古詩非退之不能到此

袁公滋既成廟明年二月自荆南以旂節朝
 京師歲或作年旂或作旌○按史留六日得袁滋以元和十一年朝京師
 壬子春分率宗親子屬用少牢于三室既事
 退言曰嗚呼遠哉維世傳德襲訓集余乃今
 有濟今祭既不薦金石音聲使工歌詩載烈

象容為之歌詩所以載其其奚以飭雅昧於

長久唯敬繫宇泰幸有石石即所謂麗牲之

之謠下於義其君善牲入廟門如具著先人名跡因為詩繫

竟而達於詞者遂以命愈愈謝非其人不獲

命則謹條袁氏本所以出與其世系卑居起

周歷漢魏晉拓拔魏周隋入國家以來高曾

祖波所以劬躬夙後委社下公公之所以逢

將承應者有槩有詳而綴以詩以來或作已

來拓音託族

蒲撥切見前集賢院校理墓誌其語曰周樹

舜後陳語或作詩樹或作陳公子有為大夫

食國之地袁鄉者其子孫世守不失因自別

為袁氏春秋世陳常壓於楚與中國相加尤

疏袁氏猶班班見可譜或作可常居陽夏夏

賈○陳陽夏漢世淮陽國前陽夏至晉屬陳

郡故號陳郡袁氏屬陳下或博士固申儒過

黃唱業於前漢儒轅固齊人以治詩孝景帝

生曰湯武非受命乃弑固曰不然夫桀紂虐

亂天下之心皆歸湯武湯武不為得已而立非

受命而何實太后好老子書名問至司徒安

懷德於身袁氏遂大顯袁安後漢時舉孝廉除陰平長任城令所

在東人畏而愛之為河南尹政號嚴明為二

公漢室中表外戚彊盛朝廷之上皆倚賴安

以為重○按左傳有轅濤塗又有袁僑漢有

轅固轅豐又有袁安本兩姓也杜預謂袁僑

濤塗四世孫歐陽集古錄漢三袁良碑亦

云濤塗立姓為袁何歟蓋轅袁古字通用袁

蓋又通作爰亦連世有入終漢連魏晉分仕

非別姓明甚矣南北終或作始居華陰為拓拔魏鴻臚鴻臚

諱恭生周梁州刺史新縣孝侯諱穎新下或

穎或存侯生隋左衛大將軍諱溫有安字去官居華

陰武德九年以太耋薨始葬華州葬或左衛

生南州刺史諱士政南州生當陽令諱倫於

公為曾祖當陽生朝散大夫石州司馬諱知

玄司馬生贈工部尚書咸寧令諱曄是為皇

玆袁氏舊族而當陽以通經為儒位止縣令

石州用春秋持身治事為州司馬以終咸寧

備學而貫以一文武隨用謀行功從出入有

立不爵于朝比三世處達而室歸成後人數

當于公公惟曾太父太父皇玆比三世存不

大夫食歲祭在于孫或無再出大夫字有公字大夫或作大夫比或作妣皆唯將相能致備物世彌遠禮則益不非是

及在慎德行業治圖功載名以待上可無細

大無敢不敬良無早夜無敢不思成于家進

于外以立于朝自侍御史歷工部員外郎祠

部郎中諫議大夫尚書右丞華州刺史貞元

年二月自尚書右丞出刺華州金吾大將軍貞元二十一年三月

舉而鉅莫不官稱遂為宰相以贊辦章即便

章也史記便章百姓亦平章之意耳仍持節將蜀滑襄荆永貞元年

十月以滋為西川節度使元和元年十月徙

義成軍節度使八年正月自戶部尚書出為山

南東道節度使九年九月徙荆南節度使蜀謂

西川滑謂義成襄謂山南東道荆謂荆南略

苞河山秩登祿富以有廟祀具如其志又垂

顯刻以教無忌可謂太孝刻或詩曰有文字

是非袁自陳分初尚蹇連蹇連或越秦造漢博士

發論司徒任德恐不錮人恐一作思漢明

未嘗以賊罪勸人嘗曰凡學仕者高則望收

功厥後三公重尊安章帝時為司徒子京

太尉湯子逢字周陽靈帝時司空逢弟隗字
次陽獻帝時太傅京弟敞字叔平安帝時司
空凡四世 晉氏于南來處華下鴻臚寺侯用
又公焉

適操捨南州勤治取最不懈當陽耽經唯義
之畏石州烈烈學專春秋懿哉咸寧不名
休趨難避成與時泛浮是生孝子天子之宰
出把將符羣州承楷把或作祀或作數以立
廟祿以備器數或作教說由會及我同堂異
置栢版松楹其筵肆肆筵或維袁之廟孝孫
之為順勢即定以誅以龜以平其巘屋精持

持孝孫來享來拜廟庭陟堂進室親登遺劍

劍或肩膊胎體肱奴報切又女朱切胎音相

禮太牢則以牛左肩膊膾折九個儀禮膾膾

骨也四者皆其樽玄清清謂醑也降登受胙

于慶爾成爾或作維曾維祖維攷之施于汝

存嗣以報以祇凡我有今非本屆刻詩牲

繫維以告之牲繫或作繫牲

清河郡公房公墓碣銘房啓之友及墓誌皆不載年月

日今按啓以貞元未為客管帥在容九年遷桂管坐中使事貶虔州成元

和十年也。○不。屑。屑。使。事。有。點。綴。意。然。語。亦。近。杜。茅。坤。曰。直。敘。須。看。他。句。法。字。法。淘。洗。鼓。鑄。處。

公諱啓字某河南人其太主父融王父瑄仍父子為宰相融相天后事遠不大傳瑄相女宗肅宗處艱難中與道進退薨贈太尉流聲于茲父乘仕至祕書少監贈太子詹事瑄子宗儀御史中丞次乘幼孺復容州刺史公胚胎前先生長食息不離典訓之內且孺耳染不學以能孺而遇切亦染之義也或作孺亦通或作搯非是始為鳳翔府參軍尚少

人吏迎觀望見咸曰真房太尉家子孫也不

敢弄以事或無轉同州澄城丞益自飾理同

官潭伏理或衛晏使嶺南黜陟建中元年二月遣黜陟使

洪經給柳見衛晏等一十人分在天下晏使嶺南求佐得公擢摘良

姦南土大喜遣進昭應主簿進或裴胄領湖

南表公為佐貞元二年閏五月以國子司業裴胄為湖南觀察使胄字胤叔

河東聞拜監察御史部無遺事胄遷江西又

以節鎮江陵公一隨遷佐胄又或作胄非是佐胄或作為佐

累功進至刑部員外郎賜五品服副胄使事

為上介上聞其名徵拜虞部員外在省籍籍

遷萬年令果辨傲絕辨或作辦傲音激○唐時由御史進員外郎復

遷萬年令官階如此傲疾也貞元末王叔文用事拈公之

為舉以為容州經略使按啓素附王叔文貞元二十一年五月以

啓為容州刺史兼御史中丞容管經略使拜御史中丞服佩視三

品管有嶺外十三州之地州下或無之字○容管所隸容辦白

牢欽巖馬湯林蠻洞蜒守條然要不相讓劫

巽音誕當作蠶要伊滄切稅節賦時公私有

餘削衣貶食不立資遺以班親舊朋友為義

册或作在容九年遷領桂州元和八年四月

使封清河郡公食邑三千戶中人使授命書

應待失禮客主違言徵貳太僕未至貶虔州

長史而坐使者元和八年四月啓除桂州州

驛以授啓既而憲宗自遣中使持詔賜啓啓

良使者遷重賂即日先五日已得詔使者給

請視因持之歸以聞七月貶太僕少卿啓

自陳獻使者南口十之帝怒殺中使啓未至

京師貶虔州長史始詔下管福建黔中道不

得以口饋遺罷職口等使九月丙午中官季

建章坐受啓賂杖一百處貶未貶虔州

長史啓先賂建章口十人既怨其發官告

事乃具上言帝既以疾空官年五十九其子

越能輯父事無失謹謹致孝既墓碣墓請銘
銘曰

房氏二相厥家以聞條葉被澤況公其孫公
初為吏亦以門庇佐使于南乃始已致謂佐
既辨萬年命屏容服功緒卓殊限獠循業張
綬維不順隨失署資維不順隨非公之
怨銘以著之非公或
作非君

唐故銀青光祿大夫檢校左散騎常侍
兼右金吾衛大將軍贈工部尚書太

原郡公神道碑文
或無尚書以上一
十八字或併無文

字有
唐字

公諱用字師柔太原人莊憲皇太后之弟順

弟后今天子之舅憲宗太師之子太尉之孫司

徒之曾孫王用父曰子顏生順宗后后生憲

難得元和元年贈太尉用曾元和元年上朝

太后南宮大裏外氏自外高王父而下至外

王父咸冊登公師事載之史高王上或皇太

后昆弟唯公一人按舊注子顏二子重營官

至王傳次即用也與本文

惟公一人不命侯或於是特拜銀青光祿大夫太子少
 詹事特或未三月因遷大詹事賜勳上柱國
 爵封郡公國于太原益掌廡苑之事公起外
 戚子弟秩卑年少歲餘超居上班官尊職大
 朝夕兩宮而能敬讓以敏持以禮法不狹不
 矜實接士大夫高下中土下或度無大字典官者事
 滋久愈謹與或作與者音指或作嗜或疑即
 功國詭者其股嗜字更詳之者致也詩者定爾
 肱以從司馬由是朝廷推賢所處號治轉
 少府監太子賓客別職仍初仍或作初

左散騎常侍兼右金吾大將軍皆以選進不
 專為恩專下或十一年秋將以八月葬莊憲
 太后元和十一年二月太后崩八月葬豐陵前一月壬申以疾
 告薨春秋四十有七上罷朝二日為位以哭
 贈工部尚書十一月壬申葬于萬年縣落女
 原落女或夫人河南胡氏號太原郡夫人有
 子六人女子一人葬得日公之姊嬀京兆尹
 李脩脩或作脩及謂太子右庶子韓愈曰子
 以文常銘賢公卿今不可以辭常或應曰諾

而為銘曰

有嬌氏國實出炎軒軒音喬又音嬌○史記曰螺祖為黃帝正妃生二子曰元囂曰昌意元囂生嬌極又晉語少典娶于有嬌氏生黃帝炎帝有嬌蜀塗莘摯正妃之門摯音至莘古之諸侯也是○史記黃帝之子昌意娶蜀山氏之女生高陽有聖德立為帝是為顯帝禹者皇帝之玄孫顯帝之孫也娶塗山氏之女生啓書曰娶于塗山季歷娶太任蓋摯國任氏之甲女詩曰摯仲氏任子昌立是為西伯西伯曰文王娶莘國之長女曰太妣詩曰命此文王于周于京繼女維莘列女傳湯妃有莘氏之女生仲任外丙又云太任文王之母摯仲氏之妻以為妃孰豐其川不美其源王氏周書氏

周靈王太子官封繼繼上繼字或作相非是實生聖女以子晉之後母唐帝公惟后季天子吾甥吾或作其非是里躬慎德不與寵橫方年未老后哀猶新如何不惠而頌其身刻文茲石久載攸存攸或作猶非是今按文理當作攸又上句已自有猶新字不應重出也

唐韓昌黎集卷第二十七終

唐韓昌黎集卷第二十八

明馮李蔣之翹輯注

碑誌

曹成王碑

退之此碑大有氣骨竟為奇
 詔所掩但王即假為使者一
 段序事如太史公寫項羽鉅鹿之戰
 踴躍鼓動極其平生洪興祖曰曹成
 王碑造謠法子雲也退之性不喜書
 然嘗云凡為文詞宏略識字如此碑
 中用刻鞞鏃掀微撥笑趾等字是也
 唐順之曰昌黎每自喜陳言之務去
 故曹成王碑當亦屬公得意之文而
 愚則以務去陳言却行穿鑿生割亦
 昌黎病處特其識正而語確故學者
 不能訾茅坤曰文有精爽郭正域曰

公所自謂閔中肆外摘去是也

王姓李氏諱臯字子蘭諡曰成其先主明以

太宗子國曹絕復封傳王至成王永隆元年十月

明坐與太子賢通謀降封零陵王徙黔州都督謝祐通殺之二子後嗣王南州別駕傑為

黎國公垂拱四年並遇害神龍初以傑子胤為嗣曹王後備自南還詔停胤封而封備

卒開元十一年復封胤胤卒子戢嗣位左衛率府中郎將子臯嗣是為成王

嗣封在玄宗世蓋於時年十七八絕爵三年

而河南北兵作天下震擾王奉母太妃逃禍

民位得間委蜀從天子或無得字或無蜀從

字字天子念之自都水使者拜左領軍衛將

軍轉貳國子秘書衛下或有大字○按王自

少王生十年而失先主開元二十一年哭泣哀

悲弔客不忍聞喪除痛刮磨豪習痛下或有委

已於學稍長重知人情急世之要耻一不通

侍太妃從天子于蜀既孝既忠持官持身內

外斬斬持身或作將身斬斬或作漸漸非是

否昔人雖謂昌黎慣用家法然亦是昌黎之小疵處由是朝廷滋欲試

之於民上元元年除温州長史行刺史事江

東新朝於兵郡旱飢民交委列空或胡切

作皆○列於兵謂為兵所割也交唐人語

多用之如陸宣公奏議云交駭物聽交下不

存濟者之類意王及州不解衣下令拊鎖擴

門拊音剖擴苦爾悉奔倉實與民活數十萬人

奏報升秩少府活下或有者字或無十字或

大飢有官粟數十萬斛解臯欲行賑救

頭乞候上旨臯曰人且不再食且安賑粟

命若我一身活數千人命利莫大焉於是開

倉盡散之身活數千之罪飛章自劾天子嘉之

答以優詔就與平袁賊與音預○寶應元年

加少府監詔河南道副元帥李光弼討之四月人袁晁反

晁卒與及也易繫辭其孰能與於此仍徙

書兼州別駕部告無事

兼或作處云或與舊傳合非也今按成王

本以溫州長史行刺史事今兩奏功而得處

州別駕又不行州事則於地望事權皆為左

降矣以事理推之不應如此諸本作兼者為

是蓋以舊官仍兼本州別駕以寵之爾下文

又云部告無事則謂溫州前此早飢而今始

無事也文云遷真于衡則是自行刺史事而

為真刺史也其間不應復有處州一遷真于

節明矣舊史亦承集誤不足為據

衡法成令脩治出張施聲生勢長非或作鎮

王施或作觀察使噎媚不能出氣噎音墨切

媚三音○時辛京果為湖南觀察使噎妬

也媚怒也史記王后亦以妬媚不當侍病

以過犯御史助之貶潮州刺史助或楊炎起

道州相德宗還王于衡以直前謾或無于字

○舊史大曆十一年四月貶吏部侍郎楊炎

為道州司馬十四年二月德宗即位八月召

炎為相又還王于衡王之遭誣在理念太妃老將驚

而戚出則囚服就辯入則擁笏垂奩坦坦施

施即貶于潮以遷入賀及是然後跪謝告實

理或作治施施讀如字○詩丘中有麻將其

來施施注舒行也○茅坤曰事跡奇幕寫亦

奇郭正域曰是初觀察使隳使將國良往戍

界按觀察使辛京果也將國良王國良也此

使是古語蓋言良不願往而辛強使之耳然

或舊史云前使貪殘新史亦云前帥貪虐國

良以富獲譴則其說為非是或本察傳下有

處字連處字屬上句則正與史合但國良只

稱良而無國字殊為失體初見當書全名其

後乃可單出如南霽雲李光顏亦先全書後

單出也翹謂此文上句當从或本下句當

从馬說為正姑存舊文以俟知者訂焉良

以武岡叛戍萬人戍或歛兵荆黔洪桂伐

之二年尤張於是以王帥湖南將五萬士以

討良為事建中元年四月以王至則屏兵投

良以書中其忌諱良羞良乞降狐鼠進退或

疑○惜乎皇之書不傳王即假為使者從一

騎蹕五百里抵良壁鞭其門大呼我曹王來

韓昌黎集卷二十一

四

受良降良今安在良不得已鎔愕迎拜盡降
 其軍或作逆錄作遺後漢寒朗傳二人鎔愕
 不能對新舊史亦謂愕貽不取動則此用愕
 字為正○茅坤曰成王是奇勇子昌黎紀次
 其事曲盡本末郭太妃薨王奔部隨喪之河
 南堊及荆被詔責還會梁崇義反王遂不敢
 離以還亦秩轍騎常侍責或作遣或無常侍
 毋艱奉密至江陵二月山南東道節度使梁
 崇義反乃授舉起復左衛大將軍復還湖南
 明年李希烈反遷御史大夫授節帥江西以
 討希烈或無李下四字○建中三年十月淮
 寧軍節度使李希烈反以尊為江西

觀察使兼御史大夫命至王出止外舍禁無以家事關

我哀兵大選江州羣能著職江或作洪州或

史皆作洪今按洪州即江西帥治所若只大
選洪州乃是未嘗出門一步無足書者選兵
江州蓋為北向進討之勢故其下文遂攻蕪
州道里亦便史承集誤不足據當從諸本作
江為是不然則以州為南王親教之搏力勾
 猶勝作洪州也著直略切
 卒羸越之法搏徒官切團也新書作團按楚
從今字也羸諸本皆作羸非是○羸謂秦也
越謂勾踐代吳之兵法也朱攸亭則以為秦
紀越語世家皆無搏力勾卒之文不知諸家
之說何所據唯蘇氏古史見之則恐或反
用此碑語也搏或疑是搏字亦未有據但搏
力無理其誤無疑耳或疑杜牧之有以力搏

力之謬然杜後出韓公不當用其謬也今參
 攷商子農賦篇凡治國者患民之散不可擲
 也是以聖人作一以獲之又曰搏民力以待
 外事然後患可以去而王可致則搏力知其
 為秦法也左傳哀公十七年越子伐吳吳子
 禦之笠澤夾水而陣越子為左右勾卒杜預
 注云勾卒鈎位相著別為左曹誅區界作區
 右屯則勾卒知其為越法也曹誅區界作區
 界或作界非是按界凡數音如字賤也音脾
 償也音俾使也音婢形下大也音班水名或
 云音鼻然集韻所無恐其字而傳會者耳○
 新書臯自將區百人殺以秦兵團力法聯其
 賞罰弛張如一即約此碑謠而為文也曹區
 字見馬融廣成頌曹區相保是也曹誅區界
 謂敗則誅及其曹有艦步二萬人以與賊選
 獲則分界其伍也見二十一卷祭張員外文
 艦禦敵船釋名上下重板曰艦音檻

蔡山

蔡山楚快切 賸蒲墨切 嘖謂下舉
 烈兵柵廣濟之蔡山不可攻臯聲言西取

州引舟師沂流而上賊聞以羸師保柵悉軍
 行江北與臯直西去蔡山三百餘里臯
 遣步士悉登舟順流而攻蔡山拔之

之黃梅

之黃梅刺烏丸切 臯既拔蔡山間下日賊
 攻黃梅殺將韓霜露刺創也

黃梅唐蘄州縣名今屬黃州 大韓長平又切
 一音柔○鞞熟皮也

說文與也長平地名 鏐廣濟鏐音活切 ○說
 可以刈草廣濟唐蘄

州縣名今屬黃州 撤蘄水撤音滅切或誤作撤
 蘄州屬黃州

蘄水蘄水亦蘄州 撤黃岡屬黃岡縣名 策漢陽

縣名今屬黃州

筴古業切又音夾。○廣韻筴箸也。鐵箭具行。漢陽唐縣名屬沔州。今為府。仍置漢陽縣。行。

趾音紫又側氏切。漢測駕切。漢川一。而登大皇唐。漢川縣名屬鄂。還大膊。

中膊音博又音相或無中字。○膊。披安三縣。

拔其州斬偽刺史拔或作誅或作株或又作。

縣安州三縣也。其州安州也。與元元年七月。

阜遣伊慎王鏐將兵圍安州。州城阻沮水為。

固攻之。累不下。希烈遣甥劉戒虛以步騎八。

千援之。阜命李伯潛分師迎擊于應山。俘之。

遂下安州。斬其標光之北山。州有光山。縣無。

刺史王嘉祥。屬。隨光化。

北山恐誤。今屬。隨光化。

河南汝寧府。

隨光化二縣名。唐並屬。隋州。今指其州。

光化屬襄陽府。隨屬德安府。

或作楛。楛也。後漢楛羽羣。李賢注。按字書。

从手。即古攬字。謂攬擾也。攬古巧切。○自。

鋒至此時求工。在字句間。耳黃山谷云。

奸作奇。是文章。一病退之。不免坐。此十抽。

一推。後山談叢云。唐令民二十。成丁。以下。

耳呂縉叔云。推者推也。獨髻為推。蓋傳寫。

耳唐入初。不諱嫌名也。陳以呂說。為是。按史。

記漢書陸賈傳。有雕結字。注讀為推。髻。故唐。

令以推為未寇之稱。此云十抽。一推者。十推。

而取其。一以為兵。即杜詩所謂無丁而。

男者也。然唐志。但云十六為中。而無推字。

要亦然。未。救兵州東北。屬鄉。還開軍受降。

作厲。今按厲鄉。當屬。大小之戰三十有二。

州去安州尚遠。當作屬。

取云州州十九縣云凡下州四縣十七按地理

志斷四縣安六縣黃三縣隋四縣凡十七縣傳止書其取斬安黃隋故云四州十七縣公

又書汴州漢陽汜川民老幼婦女不驚市

買不變田之果穀下無一跡民下或字加銀青

光祿大夫工部尚書改戶部再換節臨荆及

襄真食三百貞元元年四月以臯為荆南節

刺史山南東王之在兵天子西巡于梁興元

道節度使二月車駕希烈北取汴鄭建中四年十一月東

暨宋圍陳西取汝薄東都唐或作亳非是○

歸德府陳州今為縣屬開封汝汝州也王坐

南方北向落其角距賊必咋咋爪華切不能入寸尺

將卒十萬盡輸其南州咋爪華切或作土

王始歧於溫終歧於襄恒平物估賤歛貴出

民用有經一吏軌民使令家聽戶視姦究無

所宿一吏或作吏云一當如壹民而重威

其說一字是矣但因沈存中說吉日辰良體也今按

以一吏為吏一則無理之尤耳使令疑府中

不聞急步疾呼治民用兵各有條次世傳為

法任馬彞將慎將鏐將潛借盡其力能任至

字或作任馬彞伊慎王鏐將按潛李伯潛也

時馬彞掌幕府故不言將借盡其力能一作

借能盡其功備上或有王字其力能或

作力其非是按能字全在盡字上

僕射貞元八年三月元和初以子道古在朝

更贈太子太師道古進士司門郎進士上或

或有第遷字○貞元五年道古登第刺利隨

憲宗即位以道古為司門員外郎

唐睦徵為少宗正兼御史中丞以節督黔中

利或作吏或作史皆非是○唐書道古屬利

隨唐睦四州刺史元和八年十月自宗正卿

除御史中丞充朝京師改命觀察鄂岳蕲沔

黔州觀察使

安黃元和十一年道古自黔中朝京提其師

以伐蔡且行泣曰先王討蔡實取沔斬安黃

寄惠未寄或今余亦受命有事于蔡而四

州適在吾封庶其有集受或作授先王薨於

今二十五年吾昆弟在阜三子象古而墓碑

不刻無文其實有待子無用辭乃序而詩之

詩或作請或無辭曰

太支十三曹於第季或凶或微曹始就事第

作第微或作徵一或字並作既或無下一句

曹始封於貞觀二十一年時太宗十二子

韋昌黎集卷三十一

三早卒二取一久泰
與借亦皆遷降也
曹之祖主良塞絕遷曹明或

宋景文云益有為為人作銘而名其祖者當作
曹○祖主明坐太子賢妻見前良塞絕遷四

字未詳其義疑良如良厥溺之良塞如其行
塞之塞言見殺於閉塞之中而封絕於遷諱

之時也其
零王黎公不聞僅存新史明子俊

說近是
子父易封三王守名按史中宗神

后所殺
龍初以饒子

胤為嗣曹王後明少子備自南還諱傳胤而
封備備處復封胤所謂子父易封也胤處子

戡嗣自備至戡所
謂三王守名也
延延百載以有成王成王

之作一自其躬文被明章武薦駿功蘇枯弱
疆巖其姦猖蘇枯弱疆或作吹枯蘇僵巖音

之
以報于宗以昭于王或無以王亦有子或

此下疑脫一句今按公為銘不必盡偶句用
韻雖劉昌裔碑脫句前論之不可為法然王

仲舒碑文從韻協已絕無可疑者又如此篇
云云於上句則緊頂王字察下句則連協所

字視字陛字似字止字其不為
脫落明甚况文勢錯落可觀
處王之所唯

舊之視蹶蹶陛陛實取實似蹶居衛切即詩

也下陛字或作陛云陛陛猶階而升也非是
作陛陛尚與韻協故且从之然其義亦不可

曉大抵此篇多不
可曉今姑闕之
刻詩其碑為示無止

息國夫人墓誌銘按李樂新舊史俱無

以其專乞銘於其鄰韓
愈則李樂實河南人取

韓昌黎集卷二十八

貞元十五年靈州節度使御史大夫李公謹

貞元九年十一月靈州節度使杜希全卒

十年正月以本軍行軍司馬李樂為留後

十一年五月以守邊有勞諡曰樂妻何氏可

封息國夫人元和二年李公入為戶部尚書

薨夫人遂專家政公之男五人女二人而何

氏出者二男一女夫人教養嫁娶如一雖門

內親戚不覺有纖毫薄厚御僮使治居第生

產皆有條序僮下或有居卑尊間無不順適

卑尊或命服在躬承祀孔時年若干元和七

年甲子日南至以疾卒明年八月庚寅葬河

南河陽夫人曾祖某綏州刺史祖某潞州別

駕父某晉州錄事參軍二男戡左威衛倉曹

參軍倉或成左清道率府錄事參軍戡強以

肅成敏以和下或無戡女子嫁與元參軍鄭博

古將葬戡與成以其事乞銘於其鄰韓愈愈

乃為銘曰

見主外事治不為易主或作施于其家難其

吏治甚難非是又況公侯族大而貴夫人是

專厥聲惟懿管在貞元有錫自天錫或作息以國封言之非也啓封備服以時時勲時或作以婉婉夫人有籍宮門克承其後以嫁以婚隨葬東土在河之陽遥望公墳而不同藏

試大理評事王君墓誌銘

文僅備有風致所述之事

異耳王安石日退之善為銘如王適張徹銘尤奇黃震日以怪文狀狂士極可觀茅坤日澹宕多奇

君諱適姓王氏好讀書懷奇負氣不肯隨人後舉選見功業有道路可指取有各節可以

戾契致

取下有字或作而或本無之朱致亭云作有字當屬上句言功業可指取而有之各節可以戾契而致之也不然則當作而戾力結切契詰結切字本作真通俗文日真多節自謂之真真方言

能自出乃以于諸公貴人僭助聲勢諸公貴人既志得皆樂熟軟媚耳目者不喜聞生語

一見輒戒門以絕門下或無以字○貴人習氣固如此亦寫得出上

初即位以四科募天下士元上謂憲宗也元和初年四月試博通

貴與達於教化科才識兼茂明於體用科達於理可使從政科軍謀宏遠堪任將帥科君笑曰此非吾時邪即提所作書緣道歌吟

趨直言試既至對語驚人不中第益困久之

聞金吾李將軍年少喜士可撼惟簡字或無

年字士或作事○李惟簡乃踰門告曰天下

奇男子王適願見將軍白事一見語合意往

來門下躋資息切或作踏○詩羅

節度昭義軍張甚張去奴視法度士欲聞無

顧忌大語有以君生平告者即遣客鉤致君

曰狂子不足以共事立謝客具見王生李將

軍由是待益厚奏為其衛曹參軍充引駕

仗判官盡用其言將軍遷帥鳳翔君隨往元和

六年五月以惟簡為改試大理評事攝監察

御史觀察判官櫛垢爬痒民獲蘇醒居歲餘

如有所不樂一旦載妻子入闕鄉南山不顧

闕音開古文作闕頭師古又云闕字本从曼

其後轉訛誤作門中受耳○按弘農胡縣有

闕鄉汝南西平有闕亭前漢辰太中書舍人

王涯獨孤郁吏部郎中張惟素比部郎中韓

愈此上或有日發書問訊顧不可強起不即

薦明年九月疾病興醫京師或無其月某日

卒年四十四十月某日即葬京城西南長安縣界中曾祖爽洪州武寧令祖微右衛騎曹參軍父嵩蘇州崑山丞妻上谷侯氏處士高或無高女二字非是高固奇士自方阿衡太師世莫能用吾言再試吏再怒去發狂投江水補入高處士初處士將嫁其女憊曰吾以齟齬竊一女憐之必嫁官人不以與凡子窮下或君曰吾求婦氏父矣唯此翁所人意且聞其女賢不可以失即謾謂媒媼吾

明經及第且選即官人侯翁女幸嫁若能翁許我請進百金為媼謝諾許白翁諾許或翁曰誠官人邪取文書來君計窮吐實媼曰無苦翁大人不疑人欺大或我得一卷書粗若告身者我袖以往翁見未必取跡幸而聽我行其謀行或翁望見文書銜袖果信不疑曰足矣袖或以女與王氏生三子一男二女男三歲夭長女嫁亳州永城尉姚挺其季始十歲銘曰

鼎也不可以柱車馬也不可使守閭柱之庚切○淮
南子柱不可以齒齒不可以持屋馬不
可以殿重牛不可以進速公取此意
 長裾不利走趨長或祗繫其逢不繫巧愚不
 諧其須有銜不袪須或作鑽石埋辭以刻幽
 壙

扶風郡夫人墓誌銘

退之方銘中如息國夫人扶風郡夫人

二篇皆酬應淺近之作殊無可採

夫人姓盧氏范陽人亳州城父丞序之孫吉
 州刺史徽之女嫁扶風馬氏為司徒侍中莊

武公之冢婦

馬燧字洵美貞元三年拜司徒侍中二十一年薨贈太傅諡莊武

少府監西平郡王贈工部尚書之夫人

燧子

暢賜元和五年終少初司徒與其配陳國夫

人元氏惟宗廟之尊重繼序之不易序或賢

其子之才求婦之可與齊者內外親戚曰盧

某舊門承守不失其初其子女聞教訓有幽

閑之德為公子擇婦室莫如盧氏親下或媒

者曰然卜者曰祥夫人適年若干或作入門

而媪御皆喜既饋而公姑交賀克受成福母

有多子為婦為母莫不法式天資仁恕左右
勝侍常蒙假與顏色人人莫不自在杖婢使

數未嘗過二三雖有不懌未嘗見聲氣或無

有元和五年尚書薨燧後以貴甲天下暢

字豪倖侵牟又囊妻訟析以產貞元未神策中尉

楊志廉諷使納田產至順宗復賜之中官往

往逼取暢畏不敢吝以至窮困當時以暢厚畜為戒夫人哭泣成疾後

二年亦薨年四十有六九年正月癸酉祔于

其夫之封長子殿中丞繼祖季友以類諸本

有毅字或作毅或作毅或又作長子繼祖殿中丞季友諷類或季友上有承攷二字方崧

卿云此碑謂少府監者馬暢也暢子繼祖公嘗其墓新舊傳暢只有此一子世系表遂之子彙暢彙子毅毅暢子亦只有繼祖豈繼祖先名毅邪或毅字當刪朱攷亭云按馬少監墓誌云君諱繼祖則方說得之但攷其兄弟連名則又疑作毅為是而其下或有承攷二字者乃言毅能繼北平承少傅而季友似之也少監志云諱繼祖或反用此志誤本補不足而世系表又承集誤然不可攷今姑從少監志亦作繼祖而特著其二說以俟知者

往乞銘以其狀來愈讀曰嘗聞乃公言然吾
宏銘銘曰

陰幽坤從維德之悔恒胡出為辨強乃匪婦

能淑哉夫人夙有多譽來嬪大家不介母父

或作有事實祭酒食祇飭協于尊章畏我侍

側章或作卑漢廣川王傳背尊章顏注猶言

我或疑我之亦未及嗣內事亦莫有施齊其

躬心小大順之夫先其歸其室有丘

夫先其歸或作不夫其先歸今按下文有合葬

有銘壺彝是收壺若本切壺官中道也詩室家之壺

殿中侍御史李君墓誌銘

殿中侍御史李君名虛中字常容其十六世

祖冲貴顯拓拔世據元和姓纂虛中乃冲八世孫退之云十一世誤也

父憚河南溫縣尉娶陳留太守薛江童女生

六子君最後生愛於其父母憚紆憤委一年少

長喜學學無所不通最深於五行書少或作

少字以人之始生年月日所直

日辰支干相生勝衰次王相或作相王

元經用事者王王所生者斟酌推人壽夭貴

賤利不利輒先處其年時百不失一其說

汪洋奧美關節開解萬端千緒參錯重出

韓昌黎集卷二十八

義作學者就傳其法初若可取卒然失之星官

曆翁莫能與其校得失忽切進士及第試書

判入等補祕書正字祕書下或省字○貞元十一年虛中登第

母喪去官卒喪選補太子校書河南尹奏疏

授伊闕尉佐水陸運事貞元十六年九月以張式為河南尹水陸

轉運使奏故宰相鄭公餘慶繼尹河南以公

為運佐如初元和元年十一月以宰相武公

元衡之出劍南元和二年十月以宰相武元衡為西川節度使奏奪

為觀察推官授監察御史按劍南諸葛武侯碑陰元和四年一

月二十九日題名有觀察使推官監察御史

裏行李虛中在焉其碑裴度時為元衡書記

所未幾御史臺疏言行能高不宦用外府即

諡為真御史半歲分部東都臺遷殿中侍御

史元和八年四月詔徵既至宰相欲白以為

起居舍人經二月疽發背六月乙酉卒年五

十二其年十月戊申葬河南洛陽縣距其祖

澠池令府君僑墓十里澠音泚○澠池縣各

于澠君昆弟六人先君而歿者四人其一一人

嘗為鄭之榮澤尉信道士長生不死之說既

去官絕不營人事嘗或作常非是故四門之寡妻孤
 孩與榮澤之妻子衣食百須皆由君出自初
 為伊闕尉佐河南水陸運使換兩使經七年
 不去所以為供給教養者及由蜀來輩類御
 史皆樂在朝廷進取君獨念寡稚求分司東
 出嗚呼其仁哉君亦好道士說於蜀得祕方
 能以水銀為黃金服之冀果不疾謂其
 友衛中行大受韓愈退之謂或作為非是曰吾莫大
 山裂滌出赤黃物如金左人曰是所謂大還

者今三矣

二下或三年字

君既歿愈追占其夢曰山

者良良為背裂而流赤黃疽象也大還者大

歸也其告之矣

占夢數句其法古似出左傳

妻范陽盧氏

鄭滑節度使兼御史大夫羣之女

盧羣字戴初范陽人

貞元十六年四月

與君合德親戚無退一語

為義成節度使退一或作一退或疑無字在退下

男三人長曰初協律

或無協字

有郎字

次日彪其幼曰還適三歲女子九

人銘曰

不羸其躬以尚其後人

羸或作羸○獨孤能墓銘曰年再不羸惟



